

孝友傳

孝非立名之地人子天性不昧苟有可以致於親者不惜竭力奉之若必以為名是傷其心也否則偽而已矣然至行亦烏可沒哉

唐劉二生幼純孝因父病思鮮魚河而溺土人廟祀之舊志

明賈如伋親病曾自戕其乳以療舊志

羅義親病割股邑令馬從朱獎之舊志○按邱開來湘漁詩註攷羅義字宜之原神鄉人明萬歷

十七年邑大饑義丐食為養母病思肉義割股肉烹以進母食之甘病旋愈

國朝邱之登貢生順治六年馬進忠寇縣虜其父去之登間關

戎馬卒竟歸兄弟析產讓其腴者族里稱貸從不責償貧者多賴

舉火宅前有五松日攜册坐卧吟嘯其下其高致如此舊志列傳

段正棻邑諸生順治六年流寇馬進忠竄境正棻負母奔避賊掠

黔陽縣志卷第三十八 孝友傳

其父琬遠將加刃正棻從山上望見號泣奔求代死賊為感泣兩

釋之康熙六年邑令張扶翼上其事舊志

危階邑諸生順治初餘寇潰入黔階急封父墓負母走避會同深

山中市米百里外道遇虎祝曰吾母當生天佑我虎竟去後返居

柳溪兄弟耕養缺牛嘗以身代出則乘耒入則橫經復因寇亂逃

竄風坡母受驚病瘦思肉食不可得階割股以進迄母歿廬墓三

年胞兄台因亂失散亂定後跋涉追尋苦無音耗於黃州得遇堂

弟接歸撫愛兄子周恤親鄰雍正六年奉 旨旌表入孝子祠

大清一統志參舊志知縣張四教錫類詞十首錄四○新塚別

第一○一坏土猶然濕賊之來何其急去不能留回首潸焉泣

死者寄黃泉生者走原隰奠酬如有期歲暮賊當戢○三虎視第

二○於菟於菟胡為乎中衢少者爾之子乎老者爾之母乎爾有

母隨爾趨我有母待我饋我不履爾尾爾勿啞我軀繫我來時釜

中虛垂白如今正倚闥○柳溪居第三○煙柳覆長渠攜家試卜

居隨肩雙柄未接武其揮鋤絮惹將離鳥萍牽僕母魚此中饒樂

事况有古人書○風坡竄第四○昔聞有亂者實惟王與馬焚殺

恣猖狂衢巷血流赭死者骨如山奔者哭聲嗚老母已難行嬰兒須暫捨性命寄深林飢寒忍曠野吁嗟寇亂何時平夜月晨風淒泪下○按階之孝至今萬口爭傳舊通志僅載遇虎一節而遺其割股事

向大經雍正九年歲貢生吳逆之變父爲亂兵所擄大經年十五泣隨亂兵奔尋至武岡父子相遇大慟賊亦感動並釋歸未幾父病危每夜痛哭祝天求以身代病竟愈壽至七十有八大經家甚貧苦心力學舌耕筆耨以奉親親歿每掩卷墮淚悲怙恃失養年已衰暮歲時薦膏必哀泣人多化之舊志

唐大純生一子新居弟大組早世遺一女明末流賊掠縣縶其子並大組女去索金以贖大純念難兩全遂贖大組女而棄其子後大純復生一子有瑞以學行著通志

向陽年十八補博士弟子員選於學家故貧揚歲授徒以館穀所入養母母病侍湯藥不懈及病篤齋沐禱願減算益親每徹夜

隰陽縣志

卷第三十六

孝友傳

二

即藉膝骨盡垢忽夢有神告曰汝母算止七九帝鑒汝誠增二紀未幾母病愈壽八十七無疾而終陽亦年七十舊志

蔣日鶚性孝友母嘗患癰鶚日負以行瘡潰以口吮膿血凡三次毒盡而愈伯兄病圭七調治坐榻前以手撫摩達旦凡五閱月無少懈析產以腴讓兄僮僕取老弱有負者不責償或更賜恤之遇殘廢孤子尤樂施焉舊志

唐韓邑諸生父廩生有虞娶何氏無子韓其庶出也韓生尙幼父與生母相繼逝嫡母何撫之如己出及成立事母最孝嘗侍母疾目不交睫者凡數月母子慈孝爲近時所稀有舊志

周紹殷邑諸生吳逆之亂奉二親侍洞下日借弟市米淇江以供親饌一日弟被賊掠去紹殷詣賊日夜悲號賊義釋之有李姓者因適負鸞其子泣別於道紹殷過之爲出金贖歸通志

金國選七歲時值吳逆亂父母俱被賊掠國選牽衣痛哭罵賊賊
脅之以刃不為動復以杖擊之猶不捨賊義釋之而去通志

向廷亮十齡失怙弱冠補弟子員會遭寇亂扶母走匿白梁日負
米以養寇平母病疫廷亮初進藥無效遂舂糲雜羹啗之母病以
痊後母歿哀毀骨立孺慕終身舊志

易富幼隨祖母唐避徭寇山中唐病倉卒中不可得藥遂割股以
療嘗遇盜劫其父以刃脅金富身翼父涕泣求釋盜為之感動母
病禱神願以身代母夢神感其孝而痊攷通志補

向鼎鐘孝性天至父廷亮為諸生唯子鼎鐘日供盤飧用娛親
志母病日夕扶持不離側兩居親喪事鐘
作鐘星舊志陳病篤割股以進通志有母

危雲邑諸生十歲失恃每夜涕泣淚痕漬枕上父病篤嘗惡以驗
黔陽縣志 卷第三十八 孝友傳 三

吉凶事繼母梁極孝謹繼母愛之甚於所生偶往莊所聞母疾作
夜馳歸似有火光前導抵江干始隱人以為孝感諸弟皆繼母出
雲厚待之有弟病疴聞呻吟聲輒傍徨達旦為家督財帛無一毫
私蓄尤人所稱年五十有五病不起時繼母尚存屬纊時顧其子
以善事祖母為囑氣綿屬猶呼娘不已聞者悲之舊志

蓋奉身克行伍家貧甚孝養雙親必竭其力父永恭病劇焚香告
天割左臂以奉病尋愈通志

潘之芹邑庠生少孤事母最孝朝夕不暫離昆季六人食必同桌
植品端方不與外事惟設法建家祠置祭產修理先塋授生徒有
師範成就後學甚多舊志

張廷煜讀書務實行事親孝雞黍承歡不懈與同母兄析產自取
瘦薄子福嵩列府庠有父風舊志

曾元舉本姓楊繼曾廷試爲嗣試夫婦年八九十舉竭力侍奉務得歡心親病牀褥污穢躬自滌之腕篤有勝於所生者其餘行事亦多可法 舊志

邱上壽事父母色養兼至父健好施家漸落壽承其志不少吝母向氏病篤壽嚙指瀝血禱於神而病漸甦長兄早夭嫂廖氏孀居家計皆所經理雖拮据不少諉焉 舊志

周成策邑庠生天性孝友兄弟早夭隻身竭力事親母病廢食策亦不食叔姪分產以腴者讓姪凡族中後輩諄諄勗以孝友迄今子孫庠序相繼 舊志

黃一志少孤及稍長痛不見父每一言及輒生悲奉母盡孝與弟一聰同處出入恆不忍離至性有異人者 舊志

危玲邑庠生博通經史篤於孝友娶潘氏奩資甚厚玲曰子婦不

黔陽縣志

卷第三十八

孝友傳

四

有私財禮也悉以歸父母與兄弟析產推多受少尤喜道人善年

七十五無病而終

舊志○附錄陳朝汲佛山先生傳佛山危先生名玲字璣章邑之城坊人父諱懼兄弟三人長

瑛次瑛季則先生也先生富於學弱冠補弟子員卒數奇十赴鄉闈弗售年七十五以諸生終先生志意高遠胸襟洒落日靜坐披讀間作詩歌以自娛凡人世貧富貴賤得失死生其爲可欣可戚者俱無足撓其心生平篤於愛親而誠於好善初年十五父懼以事配山東命仲子自隨先生堅請往父憐其少且聰穎冀讀書可大成弗許遂每夕焚香禱神願父得釋且禱且泣越三年趣伯兒瑛入都求納錢以贖父得赦歸每事先意承志慶更生焉母蔣氏卧病數月躬自背負衣褥汚穢親手澣濯不以命侍婢母止之先生曰母病至此恐無所用兒力矣仲兄先父母歿先生痛其隨父山東能慰父心請於父母以伯兄子成泰爲之後以產之腴者畀之其篤於內行如此遇人温然以和以善事與人言往復不倦子弟秀者無間疎戚皆若己有焉聞人有不肖之行輒義形於色一旦峻改雖素所憎疾亦改容禮之蓋其好惡無成心而唯善是與也有如此世固有祇父恭兄大端克盡而至愛不存又或好善惡不善初念真轉念僞公不勝私聞先生之風可以少愧矣

危成材性忠直菽水奉親養生送死獨殫心力弟遠商負欠鬻產以償負擔跋涉千里用紓弟急以慰母心讀書善屬文頃刻成稿

卒數奇不售庚子科子元福舉於鄉材猶應童子試實志以沒舊志

胡應聘少孤家貧好讀書弱冠補弟子員奉母藍頗能養志諸兄

早各爨產日耗聘承母意以所存膳田分給之母卒獨鬻己產以

葬待族隣俱本厚道卒年八十歲人謂齒德兼隆舊志

黃佐太學生至性肫篤事父母敬養交至居喪哀毀骨立處兄弟

亦極友愛舊志

向言昌事父義元克供子職親沒廬墓三年撫孤姪成立人皆服

其無私歿年七十一歲舊志按府志

黃仲邑庠生事親孝善承親意兄弟四人皆遊庠和順友愛家風

最為近古舊志

黃振國歲貢生事所後父瑩遠孝養備至父患頸癰半載醫藥弗

效國至誠禱神癰忽潰以口吮之而愈其生父飛遠卒於官國扶

黔陽縣志 卷第三十八 孝友傳 五

楊思順太學生品行端潔篤於奉親臨終切呼其子以善奉祖母

為孺生平矜孤恤寡敬老賑貧族隣德之舊志

唐義在大學生事親孝祖母段氏病危正祝天刲股以進病旋愈

復延壽六載撫兩幼弟皆極友愛焉舊志

蒙獲賜善承親志父年九十孝養不衰尤能尊敬父執每訓子弟

兢兢以無忘先人交致最兄弟四人皆式相好舊志

向時震性孝友父鼎銘有立宗祠志未遂時震續成之二兄時雨

時霖先歿涕泣累年弟時斐嘗患病不食震食亦廢隆師重道善

氣迎人其居家敦樸矯華終身未嘗衣裘帛舊志

高如岱太學生性孝友弟如我繼母梁氏出也染疾不愈岱禱神

願減己算以益幾年總理家務數十年無分文私積邑令柯支澍

願減己算以益幾年總理家務數十年無分文私積邑令柯支澍

贈額曰孝友可風

舊志

王家祚吏員父烈生祚兄弟三人祚出繼伯父鼇克盡子道兄弟早卒各遺一子俱幼祚仍養所生父母兼撫幼姪成立鼇烈遺產應兩分分析祚仍作三分人稱孝友於乾隆四十六年壽八十受恩齋一次八十六歲卒

舊志

危成相邑庠生性仁厚隨父震之慈利教諭任左右就養母病疽醫藥祈禱迫切異常兄弟雖析居而勻穀分金杏無私業嗜讀書成就後學兼精醫理待人信任事忠族黨咸倚托焉

舊志

危如神兄弟八人璋瓊珊瑚璇祥福道食必同桌居必同室敦友愛以娛親心叔紹典無嗣以如珊繼之厥後子孫繁衍同居炊爨並無彼此之殊神兄弟均壽八十餘

舊志

張廷宮邑庠生早喪父母賀氏病目宮日為吮舐刺指血合藥敷

黔陽縣志

卷第三十八

孝友傳

六

之遂漸明處館所得修脯雖少必歸遺家產故薄伯父議平分宮

與伯父四子均焉孝友性成鄉里傳誦言年八十八

舊志 以下新增

羅昌教字明也生有異徵天性過人三齡失怙毀齒時能為母負薪汲水分瘁承歡年十四喪母廬墓苦塊遠勝成人常慟不及事親處已待人事事惟親訓是念遂以勤儉起家建宗祠修寺院設新路渡船隨處捐置田租宅後畏途日十重坡人煙闕絕不肖者出沒其間行劫商旅乃建關聖宮招僧住持旁設亭煮茶濟渴藉壯聲援由是稱便人或德之必垂涕云吾親遺意也歲荒先後賑濟者捐穀至千有餘石凡親所未逮之志皆力為繼述事死如生亡如存歷久彌篤以孫亨揚布政理問廳

馳贈儒林郎年九十三無疾而終嘉慶二十三年

旌表 通志

陳傑字瑞生吳逆亂父母被掠奔號求代賊感而釋之嘗賈於芷

邑榆樹灣拾遺金二百餘兩通志三百府志一百今從家傳訪還其主曰吾不敢

違親訓取不義財也嘉慶十四年旌表舊通志府志有傳按此宜列羅昌教前

楊洪字映川監生事親能先意承志父文賜解官食貧洪遊幕資

養孺慕之忱常形辭色在晉年餘急俶裝歸兩弟早逝母雲恭人

朝夕悼痛洪視聽未然多方慰之母卒飲血茹哀求無傷父心事

庶母黃孺人孝養備至黃止一女喪夫遺子女六幼弱而貧舉家

相依為教養婚嫁成立後始析居仍月給其薪米叔文河任貴州

守備卒於官室家零落洪訪求之迎養同居二十年無異並為叔

子湏置側室獲舉嗣遠念先塋在滇年十八徒步數千里往省歲

寄金修護精刑名術遇疑讞必再四研確終恐情難周知年五十

改就記室乾隆己卯乾州鳳凰苗叛洪與麻陽營事築堡高村相

機堵勦邑賴以全事平一無所受而歸戊戌大饑勸同志捐金施

黔陽縣志卷第三十八

孝友傳

七

粥工醫藥隨處施予又築東郭義園塚修魚藏溪渡船凡以急難

告罄所有不惜人譏其易給洪若罔聞訓子嚴嘗謂天下賴好官

長由塾中有好學生云云及子兆杏兆李入仕切切以事君不忠

非孝反覆寄示晚號警齋著有警齋餘話西湖紀遊等書不欲行

世以次子兆李誥贈如其官年六十七卒

易志寬字浩然事親最孝親歿廬墓三年哀思不已繼賈新路市

偶見龍鍾老嫗不覺悲咽流涕同人怪詰之曰形貌酷似吾母也

或故戲之云盍迎歸奉養乎曰彼豈無兒奈何試詢其里居乃邵

陽羅氏貧而無依者則大喜再拜奉以歸嫗性嚴切稍不如意輒

加詆誅寬悚息聽命並戒其家敬謹勿敢違奉養十八年葬祭如

父母禮論者以為行雖近畸要為不忍忘親之心所致云

楊光潔事親純孝善於繼述詳獨行傳

楊光洪字福泉與其兄光潔皆天性至孝兄弟怡怡老而彌篤父母亦好善樂施凡有志未逮者無不竭力成之事詳光潔傳洪喪親三年後距母墓往返三十里日一必至者又數年既老猶攜筐具羞果朔望登拜流涕哀感道光己亥四月一日經龜巖水漲橋漂有石得渡及登岸石失所在其孝感如此居恒恂恂里中老幼孤貧疾苦皆賴以生活所施予惟恐人知生平存心守己無一失德蓋完人也同治三年大水衝宅後忽分瀉左右八年比鄰失火延燒左右數家獨洪宅無恙人咸以爲孝子善人之報云

王天衛字樹屏幼嗣房叔家祚寢疾衛徹夜禱天願以身代膝爲之坼一夕夢神語曰帝鑒汝誠增汝父二紀矣果愈生父客山東衛裹糧往尋中途阻於虎衛泣告以故虎垂首去及至父方久病囊空衛刲股以療病立起乞食奉養彌月始歸先後遭兩處親

餘陽縣志

卷第三十八

孝友傳

八

喪寢苦廬墓皆哀感行路歲時祭祀嗚咽流涕終身如一處兄弟推讓有加生平施棺備粥焚券還金皆嘖嘖人口嘉慶初元邑人士綜衛事實請舉孝廉方正向體舒有遇虎刲股乞食等吟父祚有傳見舊志

丁景祿事母以孝聞家不戒於火母方陷內室祿披濕絮躍入裹母負之冒烈焰而出傷重七日母子俱斃

危成校字次書歲貢生天性孝友父病默禱夢神告醫至而瘳兩兄早逝撫其兒女及婚嫁事皆如己出厭城市氣習率子姪鄉居耕讀外日與村民講說陳氏遺規獎善誠惡退無後言生平急友難敵族誼助公費至落產不悔有明經某爲奸徒誣陷校傾身營救未及而友已死長沙爲歛金輿歸並存恤其家割產代償子母債八百金其多義類如此嘉慶元年闔邑呈應舉孝廉方正考授

訓導不及行初掌教龍標書院恒以孝恭訓士故士風爲之一變年六十有三以微疾終於家又危元龍善事親嘗舉母示人謂爲活佛母笑輒以巨觥飲之

易良瑋監生幼失怙事母先意承志躬親腴垢不假他手母或微恙徹夜悚息問候必母酣寢乃安居喪哀毀廬墓服闋每值誕辰忌日悲咽不食終其身無異事兄曲盡敬恭妻譙氏孝謹賢淑自有傳又同族易良孝善事親里中有欲行孝學良孝之謠

向明萬邑之供三里人家貧八歲隨父往龍山營生寓宗人某家越月父病故宗人攜萬歸耕牧傭工年二十歲積金五十餘兩或勸之娶則泣云父骨未歸何用妻子爲遂至龍山訪其舊主早徙川矣覓葬所荒迷莫識乃齋戒日夜泣禱於神主家憐其憂苦招出遊與憩樹下有老翁過問曰客何人主以情告翁曰是也頗記

黔陽縣志

卷第三十八

孝友傳

九

十年前牧牛時有黔陽向某葬此間者因登隴所萬亦頓悟葬時墓石形迹可驗哭拜稱謝負骨歸厝先塋盡其積金後家亦浸昌里人至今傳之

陳如金母早歿事父最孝怡色柔聲凡事順受父歿朝夕哭奠數年如一日子道隆成進士得請封如例又其兄如福性亦友愛弟歿撫姪如子道隆成名皆其力也年八十有八

易紹謙事親極孝父病日夜憂形於色至廢寢食或言方書云糞味辛苦者雖危不憂酸則無能爲謙果掇而嘗覺其苦不禁顏開後值母疾輒痛哭不已蓋味酸也父老嘗亟稱之

楊昌縉石一里人幼失怙侍母病衣不解帶母年八十八而歿昌縉廬墓三年所畜白犬呼曰發科離家數里凡在墓衣服需澣濯縛犬身令送取必縉妻親解他人不能近也墓側築祠植白楊二

株有折枝者輒鼻衄不止人以為孝感所致子茂英同治壬戌
恩賜舉人

明方清邑之供四里人年幼失怙家貧乞食養母有得必懷歸備
極孝敬母患便結危甚清吮舐穀道得無恙母年八十歿廬墓數
年採薪供膳如生存然壽至九十無病而終

丁友德力田奉母嘉慶丁卯歲禮與弟友熙上黎平古州刀耕火
種頗有蓄積奉母旋里為弟完婚而自甘饑居投老目盲出入賴
熙扶持數年目復明人以為孝友之報

丁友潤字德隅父年八十母年九十三奉養惟謹孺慕之愛始終
如一乾隆壬寅比鄰不戒於火潤適自館歸冒火負母以出足傷
潰爛見骨母目亦失明偶有客過問授以藥母子同愈潤年九十
一得以耆壽例歲給其膳

黔陽縣志

卷第三十八

孝友傳

十

危人炳庠生天性篤孝年十一歲親病隨舅父延醫九十里外夜
昏黑山中有聲甚厲腥風嘯林薄聞知為虎舅卻立不敢行炳泣
而促曰父病殆矣奈何俄聲止有光如火導至河西

危人作字壽周家傳孝友以父善病精習岐黃父有呼即唯父或
不聞怒而杖伏地受退而始趨起敬起孝姪煥台幼失怙恃視如
已子得成明經有族叔數人生養歿葬獨力承之凡貧病者並措
藥費死則施棺其仁孝所及無不旁通邑進士陳道隆為之傳

侯泰賜父母早故與弟華賜樵採為業且攜登山為虎銜去泰疾
聲喊哭執竿力追里許虎竟舍華而逸傷斃負歸哀動鄰里

易良代監生父志松以姪良儼貴 馳封文林郎代庶出其弟

良侯嫡出也代趨承左右間各得其歡心析產讓腴居瘠凡橋梁
道路皆竭力捐修里中以仁孝推之

易舜錦字思繡性仁孝父母膳田數十畝盡與諸弟奉親獨養每出不外宿人詢之曰恐親倚門望也四時食物親未食雖在外不先嘗平時常弄土成粉莫測其意親沒乃釋去妻詢之曰人死歸土吾恐奉養無及藉自惕耳今焉用爲年老每朔望誕辰忌日猶哭諸墓所生平好施予有謝某以貧欲嫁妻錦聞傾囊助而止之其戚姪蕭某孤貧無依撫育如己出及析產多寡與均族叔某因事暮夜餽錢數十千力却不受道光己酉歲大饑僅穀百餘石罄所有賑之而家自以藜蒿度日其能以孝行德如此配謝氏

以賢孝稱

子孫有蜚聲庠序者

易堯仁爲人傭工主人賜酒肉必持歸奉母獨力養親不與兄較人問之曰有兄嫂不能自贍故也夜必歸侍溫清母卧病月餘守候不敢寢至兩目俱腫生平所得盡以奉母以鰥終可哀矣又傭

黔陽縣志

卷第三十八

孝友傳

十一

工易香保亦得肉必歸奉母母疾久香保晝夜罔懈人憫之曰苦矣答云吾恐親一旦不測雖欲苦其可得乎亦天性之篤也

馮千里歲貢生家素封不尙華飾事繼母尤孝母怒輒長跪請罪母畀盆水置頭上端跪逾時不敢動卒以此解母怒而順親心於伯叔兄弟間皆敬恭友愛

易良德爲伯父志宰嗣宰性激切數撫兄弟子皆不能堪復歸本支最後乃得良德德每曲體親意得其歡心親疾晝夜侍牀側寢食俱廢故能以恩義終里中無嗣者恒舉德爲慰藉焉

危鎬字仁圃八歲而孤母氏潘雙目失明所有先業橫被欺蝕稍長勤儉得小康事母備極孝養有叔祖高二子早逝愛鎬殷實老成撫爲己孫高病數月衣不解帶略無倦容歿時哀毀特甚弟安入高室得藏金三百餘持示鎬鎬曰爾得爾受自將去子無事此

安故縱傲初與兄析產自取膏腴以荒瘠與鎬鎬夷然處之及安貧老數招之不應乃按月給食又以歲租數十石供其他用人以爲難

危淦事母最孝以例催赴官不肯離母辭弗往與出繼弟溱合爨者五十餘載終其身友愛如初

易紹光字臨川邑諸生生有至性母病牀三年日夜侍湯藥衣不解帶事父婉言愉色期得老人歡兄紹義爲邑名士光從受學家庭間弦誦怡怡兄歿事寡嫂若母撫諸姪如子皆成立始析產焉晚年脫身家務凡村中飢寒者隨力周濟愚頑者盡心訓誨皆感化向善或少不謹輒曰得無十公知耶蓋光行十而齒甚尊也識者並比之王彥方云年七十二終

陳昌榜庠生兄宦遊榜家居侍母能盡禮節母卧病月餘榜目不

黔陽縣志

卷第三十八

孝友傳

十三

交睫歿尤哀痛出於至誠邑人皆以孝子稱之

陳昌林監生性敦孝友居喪廬墓母歿每朝夕上食必偕其子女侍几奉杖如母在日數年不少倦

楊洸縉字德升活水村人年十二喪父其母易氏哀毀絕粒縉飲泣含悲長跪俟食始起數年中百計解慰及里巷瑣談務得母開顏一笑日以爲常及長讀父書以縣試第一補弟子員母歿號痛骨立哀感行人居鄉和厚堂兄某老而鰥爲分宅娶妻得以延嗣里某家病疫七日五棺僅遺二孫爲養育成立嘗構書屋除學租六十石易良俶進士有序勒石子孫蕃衍及身男婦一百三十餘口三十年不見期功總麻之服年七十二終

易紹俄字道泉幼失怙從母唐氏畜於外家母紡績有餘貲比歸里舊產爲從兄弟竄據夷然讓之事母疾不敢寢怒不敢食年五

十餘一如兒時居喪哀毀見者涕零性仁厚人有爭訟陰出貲爲解散時有事求全請道泉之謠其孝所推廣如此

易孔儒有弱弟孔儼生最晚父母鍾愛尤至早歿儒內傷同氣外慰雙親撫遺孤盛選如己子稍長擇師課讀後著聲庠序儒成之也父病連二載儒衣不解帶無倦志母嘗患疽久不愈儒以舌舐之出白筋寸餘乃瘳其能人所難皆出至性

丁世忠字允執父母初艱於嗣娶妾某未幾嫡生忠庶亦生子女庶性悍恆不善遇忠嘗甃之不死父素良懦令別室而居忠事兩母無少異庶母弟嘗無禮於兄嫡母喪不欲成服忠皆不與較後弟以人命事破家忠亦中落仍割畝濟之

黃如軒父早逝事母氏飽數十年愉色婉容孝敬如一母年近九十旬而歿軒泣血三年杜門不出待兄弟至誠友讓終身無尤

潯陽縣志

卷第三十八

孝友傳

十三

李崇桂職員邑東安江人事父母溫清無間親歿飲食必奠輒慟哭流涕耄老孺慕不衰邑司馬易良俶有李孝子傳

丁良炳字文明漿坪村人父早歿炳遺腹生七歲讀論語至事父母能竭其力請師釋其義遂潸然淚下由是事母恪恭曲至人皆嘆服工詩文屢試不售究心岐黃母病項癰瀕危炳口吮膿血乃愈越歲病復作侍奉湯藥不解衣者數月卒後朝夕哭奠墓下古樹數株有羣鴉棲集炳至輒鳴去則止人以爲孝感所致性高潔而篤友愛一瓜一嚮必與叔子分食晚年求醫益眾中夜聞呼數起未嘗受謝臨終有自他村問方者遽開目呼文具疾力强書投筆而卒

丁良俊字秀升少貧力作養親有異姓母兄遠客黔省母甚懸念俊裹糧走千里外尋之方值苗變行人路絕俊風餐露宿日伏草

莽間夜沿山徑經數百里竟歸其人並與同居均產年八十五一時紳耆稱其孝德人以爲無溢美子搢臣邑庠生

向永宗字慎修邑諸生性愿慤不涉激隨年十六父朝正病篤日夜禱泣侍疾累月衣不解帶見者爲之感動常憾失怙早竭誠盡敬事所生繼母以孝聞於時篤友恭兩兄早逝無嗣以己子各承其後皆克成立主修家乘撰訓言十餘條以示勸戒深切著明年七十歲終子壽山優廩生

鄧才幹監生縣南托口人年十七父得瘋疾廢書歸侍十餘載朝夕不離左右孝敬有加父歿叔以年衰子弱慮不測屬分爨幹矢志云叔且老而諸弟尙幼誰與成立者姪願膺其任勿分也嗣是奉養教誨絕無異心叔父叔母皆以耄年終幹亦老病方瘋痺不仁猶倩人負壘喪葬如禮後始析產蓋初誓送死全生能力行其

黔陽縣志

卷第三十八

孝友傳

十四

言也

竹林矮子邑之唐公溪人逸其姓家貧傭工事寡母皆出天性一日母與登山忽遇虎撲其母驚而蹶竹林皇遽無措舍薪伏母背大呼虎食我勿傷吾母虎踞其旁耽視良久徐起嗅其體幾遍竟搖尾去及負母歸日夕扃戶戒母勿出越兩月竹林傭於外虎潛入室斃母而去林歸不勝慘痛入山尋虎不得終身恨恨

李秀璠托口人同治二年粵逆回竄負母避奔爲賊所及將刃其母自請代死賊殺璠而母得免

欽福壽二都一里人同治七年二月苗逆之竄壽方傭於隔村聞母被賊掠夜深潛入賊中探母耗爲所覺見殺

潘耀南庠生咸豐十一年十一月粵逆竄黔負母避難賊及被戕易良珂有至行甫三歲父客外十餘載未歸僉謂已死其母日夜

號泣珂年十五決意尋親崎嶇八年竟得於滇南琉璃廠珂年五十九未娶或以無後不孝爲言乃娶婦年亦四十九矣踰年舉丈夫子一人以爲孝行之報

易紹燦字永輝監生父早逝事母曲盡孝敬母患瘍疾凡洗藥吮膿必躬親之母年九十六終號咷孺慕不衰女弟以瘋疾廢不字調護六十餘年未嘗稍異生平隆師友善排解喜施濟人多稱之年八十餘無疾端坐而逝子入弟子員者三

陳天錫監生事母極孝母暮年多病錫侍藥扶持先後數年未嘗稍怠事四兄怡怡終老里人推服故凡有爭競錫至輒解

楊景簋邑諸生性純孝母老多病便溺膾垢必親自澣濯嘗爲母洗足修爪人皆難之

邱基福事母至孝年二十餘或諷其娶妻奉母曰母多病倘婦厭

黔陽縣志

卷第三十八

孝友傳

十五

苦吾母吾甯鰥居也已而母病風癱福竭力左右無有倦心如是有者八載母死慘痛而絕者數次後生子皆有父風人以爲孝順之報

楊昌和字春臺州同父早歿事母以孝稱於鄉畜兩弟友愛極篤季昌健讀書嶽麓和爲經紀其家凡在省費用不分彼此弟知而償其數推讓不受己酉大荒以已穀賑飢者健歸請均之不允曰此善舉耳獨不欲弟分之乎乃欣然從兄弟怡怡人歎爲難及及健官石門教諭流涕送之見者感動

黃光熙監生事父母能得其歡心事兄光璽一如嚴父終身無間言

曾寶光字天谷歲貢生父思智以孝聞家貧而性豪好客諸子稍不遂意輒加鞭撻寶光竭力承歡孝養維謹每客至盡賃妻銀釧

及己一身所有略無難色繼母善怒必長跽求解弟姪輩一家四十餘口惟賣文之貲是賴性耿介城居不與一事歲終則以書畫投縣署稍得錢幣欣然受之好縱談天下事遇佳山水慷慨嘯歌意氣自若咸豐六年隨勦粵逆克復宜章桂陽保教諭晚以弟寅光令四川昭化縣終於成都館舍江忠烈公忠源贈天谷詩天谷昔居湘水曲爲慕赤松尋辟穀幡然歸去龍標城黔陽山水爲君清有時聚米畫形勝方輿阨塞指掌定有時樹表測蒼穹周天象緯羅心胸秋晴訪君渡沅水龍標山色青無比君方倚杖看山歸一笑相逢色狂喜置酒前除月映波舉杯斟酌復狂歌昔日拚尋勾漏令誰知此意成蹉跎方今鯨鯢跋巨海復聞霑潦崩洪河至尊日夜憂飢溺丈夫有志宜枕戈手無尺箠與寸柄拔劍四顧空滂沱我初見君心已折忽聞此語腸內熱蓬蒿豈合理姓名欲濟無舟招不得人生隱顯祇兩途不爲廊廟卽江湖眼看日月疾如鳥莫更因循誤此軀

廖杏字春南邑庠生性至孝二歲失怙母氏楊復多病杏與婦潘氏事奉維謹及病將篤夫婦坐侍牀側者數月族里同以孝行稱品端凝不苟步履學精樂理著有音律我法集數卷其總論篇最爲要約嘗手製黃鐘七均之管得古調元徽子憲章邑廩生

黔陽縣志

卷第三十八

孝友傳

六

向作錦耆員字安邦父佳玉篤友愛古道照人歿時聞香氣馨聲舉室驚異壽八十二錦有至性母氏張沈病久不愈聞黔省有良醫星夜走求中途遇人窘於虎作錦爲大聲呼退虎竟去負其人出險及得藥歸母頓起左右就養夏月扇枕席冬月以身溫被偶外出必以事親再四託妻語不及他父年八十二寢疾願減己算焚香告天親歿一慟幾絕生平以善勸人恆喜周濟或教以治生曰伯夷亦治生耶年八十一臨終猶屬其子云遺汝不如廉其清致如此又仁富作錦子撫與伯父爲後七歲失怙甚哀家人置肉汁飯中不食年十三母病衣不解帶及歿三日水漿不入三年不御酒肉母墓爲牛觸傷方躡踊悲號牛忽跌斃作錦遊黔久不歸富醒夢哭泣欲尋無貲妻舒氏盡鬻其釵裙資以往遍求不得偶

江岸遇少年守屍而泣問之告以父遊學死此富爲出貲殮之夜宿鐵索橋夢遇父高亭明日見山頭數童子心念父得毋投徒此間耶尋徑而上父果在焉迎歸奉養竭極孝思家漸饒嘉慶丁卯大饑以所儲穀七百餘斛賑之多賴以全活年八十四忽具冠帶呼子孫使前端坐而逝

楊怡元性仁厚年十歲失怙恃常以不得事親爲恨偶遇貧婦蔣氏年七十有三以爲似母迎歸事如所生後蔣年九十喪葬如禮好施予己酉大饑罄所有濟之有嫁妻者如其數代償漸致家落處之晏如里中紳耆亟稱其爲人

向義質篤於倫紀兄義芳以事被刑質代受之兄義公客外數載質尋逾年始得以歸及兄歿視姪如己子教育成立年八十七歲

終

